


CIMELIA

Qu


5331





5331

CIMELIA





1893. xii. 26.

H. d. 105.

Encomia Lu- teri.

ΩΣ ΕΚ ΤΡΙΤΟΔΟΥ

Andree Cricii Episcopi Premislensis in Lute-
rū Oratio.

In imaginem eiusdem Luteri.
Conditiones boni Luterani.
Ingressus Luteri in Vuormatiam
Decij philomusi ac aliorum in Polonia
varia de eodem Lutero Epigrammata.

Bella per insanos plusquam ciuilia Lutros
Iusq; datū sceleri canimus, rabidūq; Luterū
In sua sacrilega conuersum viscera lingua.

Arma Lutere para dabitur tibi copia nostri.
M. D. XXIII.

Parerg. 489.

IN IMAGINEM LVTHERI.

Ille Lutherus ego toto iam notus in orbe
Cui vulgi improbitas nomina tanta dedit.
Quicquid enim dictum, damnatumq; extitit ante,
Nunc renouans, iactor spiritus esse dei,
Conciliis, patribus, mori ontraria scribo.
Actus & huc, consto non ego sæpe mihi.
Mystica scripta volo, cum res mea postulat, esse
Nuda eadem, cum res exigit, esse volo
Nil credens, seruansq; nihil, Christi effero leges.
Prætextu quarum carpere cuncta licet.
Non mea dicta vlli ceu sancta, ac recta probantur.
In sacra, & sanctos, sed maledicta placent.
His valeo, quamuis valeat lymphaticus omnis,
His demptis, in erit non mihi mica salis.
Pontifices, Reges impura vellico lingua,
Defædo & nidum quo fruor ipse meum
Hinc me nemo probus, nisi cui mens p̄dita tractat.
Has nisi lactucas congrua labra petunt,
Hinc me, sed merito, præfert me patria Christo
Nempe magis titulo nobilitata meo.
Pingit & hanc faciem, radios, sanctamq; columbã,
Sit licet explosum nomen vbiq; meum.
Atq; hinc qualis ego, poteris cognoscere, cum sit
Acceptus patriæ nemo propheta suæ.

Cim. Qu. 5334

AD DIVVM SIGISMVNDVM POLO
NIAE REGEM, ANDREAE CRI
CII EPISCOPI PREMISLI
ENSIS EPISTOLA.



Vires ecclesiasticas memorię prodiderunt, maxime & sapientissime Rex, innumeros hæreticos, & apostatas recensent, qui sensu suo, & spiritu superbię transuersum acti, ecclesiã dei deuia & pertinaci doctrina scindere ac turbare consueuerunt, quorum monstrorum cum semper Romana ecclesia domitrix, ceu claua Herculis, extitisset, in eam potissimũ hæc demoniorũ Zizania ferebantur, atque hi turbines, hi fluctus eam cum primis nauiculam obruere nitentur, quam Christus in hoc mundi pelago iactandam quidem, sed nunquam obruendam constituit, in qua ipsemet cum suis sedens, licet obdormire soleat interdum, peccatis & præuaricationibus nostris, insurgitq; tempestas, excitatur tamen concussione & pœnitentia nostra ac tum demũ ueni, & omnis æstus cõquiescit. Vnde inter alias ecclesię calamitates fit, ut quod Christus ait, finite Zizaniã crescere usq; ad messem, Necessesse sit usq; ad diem iudicii, quod etiã Aposto us testatur, hæreses venire, ut et uicia quæ succrescunt, & ea quæ ab initio iusta & pia ratione statuuntur, ac tempore, ut sunt humana ingenia, in abusum abeunt, tali conflictatione purgẽtur, ac reficiantur, quod tamen nunquã absq; ingenti aliqua iactura & perturbatiõẽ rei Christianæ venire solebat. Et proinde recte pestes istæ diuinis ac humanis legibus damnantur & puniuntur. Inter tot autem, ac tam uarios, qui hæcenus fuerunt, hæreticos, nemo fuit qui non ex Euãgelio Basim doctrinæ suæ statuisset, non uerbis dei prætextũ, & illicem ueneni sui fecisset, sicuti in præsens agit, nouum sui angulũ numen, Luterus, quod ita humiliter, ita caste, ita mansuete,

& pacifice, iuxta doctrinam Christi & Apostolorū, tractat, vt nihil arrogantius, nihil impudentius, nihil seditiosius ac virulentius dici vel excogitari possit, vt qui nedum reges carnis, scurras & nebulones. Pontifices antichristos, lenones, & idola vocet, quæ potestates, quales sunt, a deo tamen sunt, & templa dei immortalis, quæ ipse Christus suam domū testatur, lupanaria appellat, sed & sanctos, atq; adeo ipsam deiparam virginem lingua sacerrima, vt ex plerisque eius argumentis constat, vilipendit ac eleuat, Sacerdotes omnes ex æquo facit, cum quid sit ex re & dignitate sacerdotii, si quid durius sit, sacerdotes a laicis fecerit, atq; in eos solos, omnem patientiæ, humilitatis, & paupertatis doctrinā torquet. Libertatē Christianā docet, vt omnem ordinē, omnem obedientiā, quæ dominis & rectoribus, etiā prauis, debetur soluat. Avariciā & rapinas spiritaliū præterdit, vt laicos, quos illis oppido infestos scit, ad rapinas & sacrilegiū inducat. Mores ecclesiasticorū miris coloribus depingit ac incepsit, quasi absq; vitis homines esse possint, aut fuerint, etiā hi pauci quos Christus sibi delegerat, vt pote quorū alii illum vendiderūt, alii abnegarunt, reliqui ab omni fide post passionē illius lapsi fuerunt, & quasi nō doceat Apostolus pontificem offerre debere p̄ semetipso, quemadmodū p̄ populo, cum eadem sit infirmitate circūdatus. Vituperat ordinem, & regimen ecclesiæ variis actis, quæ sunt, & videntur illicitis, quasi non necesse sit uenire scandala, qualisq; difficile sit hac parte Momū agere non solū pontificum, sed ipsius etiā Dei regnū carpendo, cū manifestū sit plerūq; non suo tempore vel pluuiam, vel frīg⁹, vel æstum uenire, optimos ac innocentissimos homines aduersissimis fatis & casibus agi, improbis ac sceleratū omnia ex voto cadere, & alia id genus. Si quis sensum domini corrigere, consiliarius esse velit aut si in diuinis ac humanis rebus ordo aliquis inter homines absq; potestate, potestas absq; opibus, opes absq; vitis esse possent. Quod cū clarius sit quā ullis argumentis egeat ecclesiam quandā animalē, quasi ideam Platonis, fingit, de qua

qua quid cornicetur, quo tendat, quid sibi velit, ipsemet nescit, nisi ut ex veris & evidentibus rationibus quoquo modo elabatur. Verbum domini vincere & manere vult in aeternum quasi quis Christianus contra nitatur, nititur autem ipse maxime cum Petro principatum tollit, cui dominus imposito nomine Cephas, quod lapidem sonat, postea dixit super hanc petram aedificabo ecclesiam meam, & portae inferi non prevalerunt adversus eam, & tibi dabo claves regni caelorum, & ego rogavi pro te, ut non deficiat fides tua. Quae verba, ut clarissima sunt, ita in effectu manent, & manebunt inuitis omnibus portis inferi, ad eamque petram collisi iam sunt tot haeretici, & collidentur tandem ipse. Licet ipse dicat spiritu humilitatis & intellectus. Papa cadet & Luterus stabit. Proindeque Petrus ipse in actis manifeste dicit ab aeterno ordinatum esse ut per os eius audirent gentes verbum Evangelii, crederentque. Vicarium Christi esse negat in eius ecclesia, cum ipse Christus se pastorem vocans, eam postea functionem pastorem vni Petro post suam resurrectionem, & praesentibus reliquis commiserit dicens ter, pasce oves meas, intelligens nempe pietissimus servator, malam esse in omni congregatione pluralitatem principum, vnoque opus esse pastore, si & ovile unum esse debeat. Et si hoc in parvis iniuris censuit, quid non aucto grege censendum illi esset. Nam quod oggannit Luterus illud, qui maior est inter vos, fiat sicut minor, & qui prior esse vult, sit vester servus. Quamquam haec ad animi humilitatem pertineant, tamen hoc melius praestat Papa servum servorum se scribens, quam Luterus Ecclesiasten. Nam de abusu opum & potentiae, Dei est iudicium, & aliorum correctio quam Luteri Papam quemlibet Antichristum vocat eorum qui hactenus ecclesiae praefuerunt, quae hac ratione iam pridem nulla esset, cum in ecclesia Antichristi, Christus adesse non posset, qui tamen dixit, ego vobiscum sum usque ad consumationem saeculi. Quod si hoc ad ecclesias schismaticas torquere veller, & hec suos habent praefectos & pastores, qui eo de modo illis praesunt contra sensum Luteri, Maledicit & conuiciat Antichristibus

stitibus & praelatis ecclesie, contra scripturam, Principi populi tui ne maledixeris, quam & Apostolus suam excusans ignorantiam, quod principi sacerdotum contumeliam dixisset, clare usurpauit, licet Lutherus eum aculeum ne se pungat intorqueat, & Apostolum ex ingenio suo sycophantico metiatur, ut quod sciuit, nescisse fingeret, tamen quam in hoc & reliquis deliret, & semet irretiat, demum latius constabit. Vult omnibus omnia quae scripta sunt prodi, & ab ipsis cerdonibus verba dei expendi, cum inquit Christus solis Apostolis datum esse scire mysteria Regni caelestis, caeteris per parabolas, ut videntes non videant, & audientes non intelligant. Episcopos & sacerdotes omnes, vitamque ipsorum impura & spurcifica lingua dehonestat, omniaque acta ipsorum in malam partem interpretatur, contra verba domini, nolite iudicare. Solus enim scrutans corda, & renes deus, qui si maxime scelesti sint & improbi, an non ideo Episcopi & sacerdotes? an non ideo munere suo fungentes? an Caiphas non vaticinatus est oportere unum mori pro populo, non a semetipso, sed quia pontifex fuit anni illius? An non dixit Christus Phariseos claudere caelum aliis, quamuis ipsi non ingrediantur? An non denotans ipsorum crimina praemonet, quaecumque iusserint facite, secundum opera illorum nolite facere? quae omnia clarissima prestigiator iste cimmeriis tenebris offundere & limitare conatur, Nempe Christo haec tum non adeo considerante, neque adeo perspicaci existente, ut nunc Lutherus. Abrogat census ecclesiasticos, cum tamen iubeat Christus dari quae sunt Caesaris, Caesari, quae dei, deo. Dei autem est, quicquid eius gratia institutum est. Cum praeterea exprobrans pharisaeis decimationem, & intermissam misericordiam & iusticiam, subinferat haec oportuit facere, & illa non omittere. Cumque offerre iubeat sacerdotibus pro emundatione sui. Cum denique mulierem pauperem commendet, quae in Gazophylatium templi quidquid habuit ex facultate sua coniecit. Tollit caeremonias & instituta legis, quae ipse Christus seruauit, ut quod non soluere legem, sed adimplere venerat. Damnat ieiunium, & preces prolixas,

lixas, cum Christ⁹ ipse ieiunauerit, & prolixius orabat, te-
staturq; eici dæmoniu nisi ieiunio & precatione non posse.
Votū castitatis, quod vinculu libidinis, & castratio est spi-
ritualis damnat, cū Christus triplices eunuchos declarans,
eos aperte commendare videat, qui se causa Regni cœlesti
castrauerunt. Atq; circa hæc veterator iste fucatisimis colo-
ribus & persuasiouibus, nimirū ex animo cōtinente & pu-
dico, claustra religiōis soluit, & Monachos ad prædas, spō-
sas Christi ad fellas fornicarias inducit. Vocat se doctorem
vocat ecclesiasten, vocat euangelistam, cum scriptum sit, ne-
mo assumat sibi honorem, nisi fuerit vocatus a deo, vocatur
autē a deo, quisquis ab his quos deus præfecit, non a semet
ipso vocatur. Tollit opes ecclesiæ, quod illis aliqui suo ma-
lo abutunt, quasi eo Christus pauper nasci, & pauperes si-
bi miuistros deligere voluerit, vt posteri pauperes essent,
ac nō potius vt fides ipsius non humana, sed cœlesti poten-
tia incrementum sumpsisse videret. Alio quin pauperes spi-
ritu solo non commendasset, qui & diuissimi opum esse pos-
sunt. Nec dixisset, cui multū datū, multū ab eo quere. Nec
iussisset postea sacculum, peram, & gladiū ferre. Nec tot Re-
ges & Pontifices sanctos, qui etiā pro iuribus & bonis ec-
clesiæ vitam posuerūt haberemus. Nam quod abusum opū
vbicq; inculcat, id tametsi verū sit in mulus, tamen non desunt
qui illas recte dispensent. Sed & carere hac reprehensione
nemo potest, cū Christus nō potuerit. Iuda & alijs clamitā-
tibus, ad quid perditio hæc, de vnguento. Doctrinā suam,
doctrinā e cœlis se habere iactat, quā cū Iacobus Apostol⁹
castā, pacificā, modestā, tractabilē, plenam misericordiæ &
fructibus bonis, absq; diuidicatione & simulatione testetur
Dæmoniācā vero seditiosam, amarulentā & contentiosam
plane apparet, cū scribat Lutherus se prouocatū ad maledi-
cta, quibus totus scater, ex quo spiritus, & quali homini do-
ctrina hæc sua prodeat, cū ex abūdanā cordis os loquatur,
& cū qualis vir sit, talis oratio. Gloriat se ad harenam eccle-
siæ proceres huc puocasse, & se argumentis inuictū consi-
stere.

scire, quasi id cōueniat vlli prudenti, aut velit quispiam bo-
nus, maledictis cū certis & furiosis certare, nam cum talē
hac cōuitia, quibus ne dæmon quidē maiora spargere pos-
set, plane declarant, aut quasi respondendum sit his, qui sine
ratione loquunt, quā abesse a Lutero satis testant scripta
nusquā sibi coherentiā, ad nullū certū scopū rem dirigentiā
Sed fursum, ac deorsum miscentiā, & confundentiā passim
omnia, quibus vt insolentiā & seditionibus ianuam aduer-
sus rectores, & omne regimen cōmodius patefaciat, omni
subditorū ordini patrocinaat. Tollit cœlibatū, & preces pro-
lixas sacerdotū. Soluit vota Monachorū, Suadet Monasti-
bus prostrare potius quam sub iugo esse monastico. Addit
maritis imbecillioribus connubij adiutores, de quibus quā
hoc vno mereat, ipsi viderint, certe quibusdā vxoribus ne-
cessar præbet, non consiliū. Ieiunia lurconib⁹ in derisum, Nu-
mina cœlestia nephariis in contemptū, Et bona spiritaliū
harpys in prædam dat. Vulgusq; omne libertate, quā asserit
Christiana a legibus & obedientia missum facit, & alia hu-
iusmodi scelerū ac turbarū lactaria, quibus fit, vt hic nouus
euangelista, hoc nouū Pythij oraculū habeat tot diuersæ fa-
rinæ adoratores, qui proiectis scripturis, ac interpretationi-
bus sanctorū patrū, vita & miraculis clarentiū, proiectis cō-
cilijs, & ordinatiōibus ecclesiæ catholice, cui & ipsum Euā-
gelium, ac sensum ipsius, & omnia quæ in eo continentur
debemus, solū Lutherū, suo deuo ac iam pridem damnato
sensui inhaerentē, & scripturā sacram, cuius magister est spi-
ritus sanctus, nō apostaticus suo arbitratu interpretantem,
suzq; præuaricatiōis, ac suæ Apostasię operculū manifestū
facientē, odio in clerū excæcati, & huius freni impatientes,
quo diuina & humana omnia diriguntur & consiliunt, præ-
cipites sequunt. & Euangelū hoc solū putāt, quod & qua-
tenus Luterus doceat, cæterū quod in ecclesia canitur, cum
nihil aliud, quā hoc, vel ad illud pertinens canat, aut lega-
tur, credunt esse meras nugas & nenias. Hoc egregio ora-
culo gaudet & nobilitat specula orbis Vuittenberga, in
quo

quo si quid diuini aut prophetici videretur, acceptus illi non
esset Lutherus, cum nemo propheta acceptus sit in patria,
siquidem verba Christi sunt vera. Sed quo nam ultra insti-
tutum & epistolarum modum prouectus sum? cum immensum sit
pelagus eorum quibus clare ostendi posset nullum haereticorum
perplexius, instabilius, furiosiusque & ab Euangelio alienius,
nunquam scripsisse & docuisse, quam Lutherum, Tantum abest ut
vindex & assertor Euangelii, & diuum interpres, uti se ia-
ctat, putetur, Verum haec alias fusius & accommodatiore ma-
teria, Christo adiutore, prestabimus, ipsumque Lutherum suo
ipsius pœnicillo adamusim depingemus, non quod libe-
ret cum hoc coeno cucullario colluctari, futurum est enim, quod
& decus literarium Erasmus censet, ut nemo melius Luthe-
rum quam semetipse conficiat, inconstantia videlicet, & male-
dicentia sua, qua in omnes passim, ceu fures illa Hecuba, fer-
tur. Et cum doctrina illius ex fructu suo cognosceret, qui quid-
dem fructus iam satis apparet in omni ciuitate & homine quocun-
que haec pestis afflauit, quae concordiam, quae obedientiam,
quae fidem, quae ordinem, ac omnem denique virtutem, & opus bo-
uum labefacit. Sed ut manifestum sit tandem hinc & inde, Lu-
therum non spiritu sancto, quo plenus videri vult, non doctri-
na, qua turget, & os in caelum ponit, non vlla sanctimonia,
qua fingit a suis, famigeratum esse, sed odio saecularium quorum-
dam in ecclesiasticos, studio rerum nouarum imperiti vulgi, in-
solentia, ac libidine apostatarum, cupiditate praedae & sacrile-
gij improborum hominum, neque horum omnium quid scribat Luterus
intelligentium, eo illuuiem hanc elatam, ut merito dicere hi
omnes possint. Nos te nos facimus Martine deum, caeloque
locamus, Interim inuictissime Rex quia tibi curae esse intel-
ligo, ut eam labem in vicina serpentem a regno & dominijs
tuis arceas, haec preludea, quoquo modo in praesens effudi,
quae dum alia nostra, & aliorum adornantur, benigno animo
suscipe, & quod facis, rem Christianam, non solum a Turcis, &
Tartaris aliisque ethnicis, sed etiam a domesticis hostibus Apo-
statis & haereticis tueare.

B

CONDITIONES BONI LVTE
RANI.

Dic male sacrificiis, superos contemne, probatis
Moribus obtrecta, ieiunia, sacra, precesq;
Ride, concilijs obsta, patrumq; relictis
Ritibus illude, ac venias, anathemata, vota
Non assis facias, absit confelsio culpæ,
Absit relligio, cedant delubra popinis
Plus persuade tibi de te, quam sit, deceatq;
Pontifices, Reges, præ te, ceu stercora pendas
Scripturasq; sacras vt vis intellige, priscos
Doctores, Leges, sanctorum & gesta negato,
Sis bonus impostor, sis ad conuicia doctus
Præfectos traduc populo, retinacula rumpe
Ordinis, & fidei, cieasq; per omnia turbas,
Sic age sectator qui vis probus esse Luteri.
Nunc mihi Papistam, quo verbo falsus habetur.
Pingere si volet hunc, qui ritus, iura, fidemq;
Seruat, quicq; pios patres in dogmate Christi
Noscendo sequitur, quæq; alma ecclesia sanxit,
Non que cerito confundit Apostata sensu
Pingat, & humanis vitijis aconita coloret,
Scilicet ipse nouus viuens sine labe Propheta.
Ingerat & maledicta, suæ dona ampla Mineruæ,
Plus accepta mihi sua quam benedicta videbit.
Quando quidem tanta vitium est a peste probari.

DE MONSTRO CVCVLLATO
ex vacca in Saxonia producto, Ioannes Cricius.

Sacra volens Pluto turbari, & munus ad istud
Ex vsu monacho nil magis esse videns.
Sed ferre hanc dubitans vt posset foemina pestem
Fecit quod monacho foeta iuuenca fuit.

Cerberus

Cerberus exclamat, quid agis, quin perdis vtrumq;
Iam Luter obsequium quod cupis omne facit;

MATTHEVS CONOROVIVS.

Vacca cucullatum produxit Saxica foetum
Designans monstrum terra quod illa fouet.
Saxe miser vigila, monstrumq; hoc confice, semper
Exitium terris monstra tulere suis.

DE LVTERO STERCORA OM-
nes sibi aduersos appellante.

Petrus Potulicius.

Stercora cum pre se ducat quoscunq; Luterus
Oreque spurciloquo nil nisi stercus habet.
Non rogo stercorem dices hunc esse prophetam;
Qualia verba viri, talis & ipse vir est.

FELIX CESELIVS.

Cum semper maledicta sonent ex ore Luteri
Qualia sunt eius pectora nosse potes.
Nam velut e foedis, foedatae fontibus vnde
Sic verba e spurco pectore spurca fluunt.

PETRVS SADORIVS AD LVTE-
RVM.

Non facit hoc meritum, tua non doctrina Luthere
Quod notum est late nomen in orbe tuum.
Qui te Vikleuij, quicq; Husi gracule pennis
Vestisti, & proprium nil tibi, quam rabies.
Sed facit hoc meritumq; vrbis, leuitasq; popelli
Res vetus hec, veteri tu quoq; more lues.

AD EVNDEM IOANNES
TIRVESIVS.

Fœda cucullaris cum sit tibi vita, genusq;

B ij

Et

Et geris a foedo nomina digna luto,
Iure vales foedis, ceu natus ad improba, verbis
Qua ratione quis est, hac ratione valet.

AD FAMAM DE HVTENO
morbo pediculari extincto.

Petrus Risinius.

Cum nuper Stygias veheretur Hutenus ad umbras
Eius & audiret scripta nefanda Charon
Intereaq; pedum sese vis proderet ingens
Et quereretur Hutem, mortis id esse genus.
Stulte, Charon dixit, caput orbis in orbe putabas
Perdere, nunc foedo es perditus ipse pede.

IN QVENDAM LVTERANVM
Paulinus Iudiceus.

Dogmata quod laudas turbantia sacra Luteri
Nullius ipse fidem religionis habens,
Non id agis quo recta probes, seruesq; probata
Sed nullum vt facias religionis opus.
Vtq; animū possis dicendo explere malignum
In templa, in superos, sacricolasq; tuum.

IN EVNDEM IOANNES
Ostrorius.

Quo prior es, rabidi sequeris cur dogma Luteri
Ante Luter fueras, quam Luter ortus erat.
Ante pios ridere patres, contemnere diuos
Et prestare nihil, quod sacra iura docent,
Ante tuę fueras desertor perfide legis
Quam turbator erat notus in orbe Luter.

STANISLAVS SCHLOMONIVS.

Quod sic insequitur plebes male sana Lutertum,
Qui

Qui sit si queris? hec lege doctus eris.
Est semper varium, nutans, & mobile vulgus,
Resq; stupore furens gliscit habere nouas.
Nullo iudicio, nulla ratione tenetur,
In Præceps, quo mens corripit acta, ruit.
Illi non potuit Dux aptior esse Lutero,
Qui nulla constans re sibi talis adest.
Sicq; sui similes post se trahit, vna ruina,
Exitiumq; omnes concomitatur idem.
Huic nisi mentis inops, & amator criminis hæret,
Quicq; gerit sacris, corda inimica viris.
Inconstans, leuis, ambiguus, perplexus, & anceps
Hunc sequitur, recte qui sapit, ille fugit.
Hæc Barbari illi Sarmate, vt Lutherastrî poetæ, ipsi
videlicet medijs nati Athenis, vocant, Sed &
eccum lector Germanum, pium iuxta &
lepidum poetam, ne omnes ea labe
consperfos putes.

DECII PHILOMUSI DE EGRES
su, & ingressu Lutheri Vuormaciam,

Cernis vt insano ruat obuia turba Lutero?
Vt cælo emissum numen adesse putet?
Vt ferrugineo stet bellua nigra cucullo?
Vt laruale colat vulgus inane pecus?
Scorta ruunt, mimi, lenones, pharmacopole,
Et lanij, & quicquid fordis in vrbe fuit
Ipse triumphali sublimis in agmine curru
Ducitur, at plausum turba iocosa ciet,
Scurraq; Cæsareus scurris comitantibus ignem
Gestat, & ardentes ventilat ante faces
Atq; ait, ecce venit, letum pæana canamus
Dicite io cuncti, chare Lutere venis.
Chare Lutere venis, nostra miscenda farina,
(Ne pudeat nostro de grege primus eris,
B iij Dixerat

Dixerat, & vectus per compita festa Luterus
Hospitis eximii limina nota subit.
Póstera lux oritur, denso coeunte senatu
Ducitur ad magni Cæsaris ille fores.
Ut stetit in medio, sua crimina noscere iussus,
Quæ ue foret tantí fons & origo mali,
Obmutuit demens obstipó vertice fixus
Ut uacuus sensu sic quoq; vocis inops
Et modo qui vanę tulerat suffragia plebis.
Ut pius, ac sapiens, turpis asellus erat.
Iamq; diu elinguis, truncoq; simillimus herme.
Sic tandem furíjs exagítatus ait.
Quod scripsi, hoc rectú est, verú indubitabile certú,
Vox fuit hæc illi, cetera mutus erat,
Auertit Cæsar tam diris vocibus aures,
Sedibus irati prosiluere patres.
Protinus ergo pari fertur sententiá voto
Damnaturq; tuum fœde Lutere nephas
Scilicet vt veterum decreta phreneticus vnus
Tolleret? & ritus solueret ille pios,
Et quæ doctorum tot lumina clara virorum
Disseruere, amens dilueret nebulo
Obrutaq; in densis per tot iam sæcla tenebris
Relligio, hoc Bubalo restituenta foret.
Scriberet & leges fraterculus iste nouellas
Qui vix hellebori iugere sanus erit.
Pellitur inde furens nulla medicabilis arte
Ni thetis admoueas, vel Phaetontis opem
En tibi scurra redit, scurrilicq; agmine sepius
Deuouet infandum terrificatq; caput.
Vade malis auibus, leuo pede, sydere tristi
I procul, a turpi dicte Lutere luto.
Te postq; in cineres Vulcanius egerit ardor
Presserit & Stygiam flebilis umbra domi.
In te cunctorum Rhadamas tormenta malorum,
Transferet,

8

Transferet, atq; vni seruiet aula tibi .
Dolia te fallent, pascent tua membra volucres
Te rota, te scopuli, te premet amne sitis
Dixerat utq; forent miseri rata fata Lutheri.
Omnia funestę concinuisistis aues
Illum tartareę furię comitantur euntes ,
Et quodcunq; imo clauditur orbe nephas.
Vade Lutere foras oculos neu pollue nostros
Vade foras age dum fœmina virq; sonat
Truditur infaustum per olentia compita monstrum
Cultori aspirat fœda cloaca suo.
Effert tabificum feralis pompa cadaver
Nam species illi iam morientis erat.
Quisq; strepit, ringit, clangit, tollitq; cachinum
Colluuię in tanta risus ineptus erat .
Exerit hic linguam, nares ille uncat , at alter
Sibilat, aut pedit, hic sreat, ille vomit
Sic tandem egreditur scelerum sentina Lutherus
Vrbs quoq; lætata est hoc vacuata malo
Quod fuit ingressus quodq; exitus iste Lutheri
Quid mirum est & stultum nil nisi stulta decent.

Faint, illegible text, likely bleed-through from the reverse side of the page. The text is arranged in approximately 12 horizontal lines, with some lines appearing to be part of a list or numbered entries. The characters are very light and difficult to discern against the aged paper background.

